

offencée, nous nous retirâmes donc tous sept dans le bois, mouillez comme ceux qui venoient d'estre trempés dans la mer: la premiere chose que nous fîmes fut de remercier Dieu de ce qu'il nous auoit préseruez & puis le prier pour ceux qui pourroient estre morts. Cela faict pour nous eschauffer nous nous couchâmes les vns proches des autres, la terre & l'herbe qui auoient esté mouillez de la pluye du iour n'estoient encore propre pour nous seicher, nous passâmes ainsi le reste de la nuit, pendant laquelle le P. de Vieuxpont (qui graces à Dieu n'estoit point offencé) dormit fort bien. Le lendemain si tost qu'il fut iour nous allâmes recognoistre le lieu où nous estions, & trouuâmes que c'estoit vne isle de laquelle nous pouuions passer à la terre ferme, sur le riuage nous trouuâmes force choses que la mer y auoit ietté, i'y trouuay deux pantoufles, vn bonnet, vn chapeau, vne soutanne, & plusieurs autres choses nécessaires. Sur tout Dieu nous y enuoya pour viures cinq bariques de
vin,